

ԳՐԱՆՈՍՏՈՒԹՅՈՒՆ ԵՎ ՔՆՆԱԴԱՏՈՒԹՅՈՒՆ

ՍՓՅՈՒՌՔԱՀԱՅ ԿՈՒՍԱԿՑՈՒԹՅՈՒՆՆԵՐԻ ՆԵՐԿԱ ԳՈՐԾՈՒՆԵՈՒԹՅԱՆ ԳԻՏԱԿԱՆ ՈՒՍՈՒՄՆԱՍԻՐՈՒԹՅՈՒՆ

Սովետահայ պատմաբանները վերջին տարիներին իրենց ուշադրությունը ավելի ու ավելի են անկում հայության այն հատվածի վրա, որի պատմության անուսման հետևանքով սպիտակ էջեր վին մնացել հայ ժողովրդի մշակված պատմության մեջ: Հայ գաղթաբանների պատմությանը, սփյուռքահայության ազդային-մշակութային կյանքին, գրականությանն ու մամուլին նվիրված՝ գիտական անհավասար մակարդակով կատարված և անհամաչափ ընդգրկումներ ունեցող բոլոր հետազոտություններն էլ, սակայն, չբացառում էին աշխարհով մեկ ցրված հայկական բոլոր գաղութների կյանքի առանձնահատկություններից մեկը՝ ազգային կուսակցությունների գործունեությունը:

Լ. Խուրշուդյանի՝ ՀՍՍՌ գիտությունների ակադեմիայի պատմության ինստիտուտի հրատարակությամբ (Երևան, 1964) լույս տեսած «Սփյուռքահայ կուսակցությունները ժամանակակից էտապում» աշխատությունը մեր գաղթավայրերի կյանքի նորագույն շրջանի հենց այդ առանձնահատկությունն է շոշափում, բացելով վարագույրը մեր պատմագրության առջև Պետք է ասել, որ երկար տարիներ, թաղաքական ու գիտական լուրջ նշանակություն ունեցող այդ հարցը լրիվ անտեսված էր: Եվ իրոք, Ա. Մարտունու (Մյասնիկյան) «Կուսակցությունները գաղութահայության մեջ» (Թիֆլիս, 1924) և Ա. Հովհաննիսյանի «Գաղութահայ խնդիրներ» (Երևան, 1925) աշխատություններից հետո, մինչև Հայաստանի կոմունիստական պարտիայի XXII համագումարի որոշումները ոչ մի հետազոտության չէր ենթարկվել կուսակցությունների գաղափարախոսությունն ու գործունեությունը Սփյուռքում, եթե հաշվի չառնենք դաշնակցության հակահայկական վարքագծի այս կամ այն կողմը պարզաբանող հանրամատչելի գրքույկներն ու բանավեճային բնույթ կրող առանձին լրագրական ելույթները, որոնք որպես կանոն վերաբերում են ապագայնացած այս կամ այն դաշնակ ղեկավարի հակասովետական հերթական մարզանքին: Լ. Խուրշուդյանի աշխատությունը, ժամանակակից էտապում սփյուռքահայ կուսակցությունների գաղափարախոսությունն ու գործունեությունը քննական տեսակետից ներկայացնող առաջին գիտական ուսումնասիրությունն է, որը առաջին հերթին ողջունելի է հենց այդ իսկ պատճառով:

Աշխատությունը բաղկացած է ներածությունից, չորս գլուխներից և վերջաբանից:

Առաջին գլխում հեղինակը նախ մատնանշում է, որ արտասահմանի մեկուկես միլիոն հայությունը ևս միջազգային արդի իրադրության պայմաններում բաժանված է երկու հակամարտ ճակատների, և ապա ընդհանուր գծերով ներկայացնում է սփյուռքահայ թաղաքական-հասարակական կազմակերպությունները: Նա չի մոռանում, որ «Լ. Ի. Լենինը և հայ լենինյանների ավագ սերունդը իր ժամանակին ավելի են հայ ֆալաֆական կուսակցությունների դասակարգային ձևերի փայլուն գեահատականը» և նշելով, որ «մարքսիստների ժամանակակից սերունդը ոչ մի հիմք չի տեսնում Լենինի և հայ լենինյանների կողմից հայ ֆալաֆական կուսակցություններին աված գեահատականները վերանայելու, և անվերապահորեն ընդունում է դրանք», պատճառաբանում է, թե ինչու այսօր անհրաժեշտ է նկատի ունենալ մի նոր ու կարևոր հանգամանք. «Այդ կուսակցություններից ոմանք պատմության զարգացմանը և հասարակական երեվոյթների փոփոխմանը զուգընթաց, չփոխելով իրենց դասակարգային էությունը, ժամանակակից պայմաններում վարում են այնպիսի թաղաքականություն, որը դարաշրջանի հրատապ հարցերի տեսանկյունից ելնելով, այժմ լիովին իրավունք ունի կոչվելու առաջադիմական»:

Լ. Խուրշուդյանը գտնում է, որ նշված խմբի մեջ են մտնում հնչկյան և ոսմկավար-ազատական կուսակցությունները՝ իրենց հարող բազմաթիվ կազմակերպություններով, որոնք հայ կոմունիստների հետ հասել են այն բանին, որ գաղութահայության ճնշող մեծամասնությունը դիրքորոշվի հօգուտ սոցիալիզմի, դեմոկրատիայի և խաղաղության, ի տարբերություն իմպերիալիզմի և հետադիմության ճակատում գինվորագրված շնչին փոքրամասնության՝ դաշնակ վտարան-

դիների ու նրանց մոլորած հետևորդների: Պարզաբանելու համար, որ «հետպատերազմյան շրջանում տեղի ունեցող պրոցեսն ընդգրկեց նաև սփյուռքահայությունը, նրան ևս բաժանելով երկու լագերի», հեղինակը խոսում է սփյուռքահայ առաջադիմական ուժերի միասնական ճակատի ստեղծման մասին, սկսած 1943 թվականից՝ ԱՄՆ-ում, Սիրիա-Լիբանանում, Եգիպտոսում, Իրանում, Պաղեստինում, Բալկաններում, Ֆրանսիայում և այլուր: Միասնական այդ ճակատների համար ընդհանրականը՝ ՍՍՌՄ հղրայրական ժողովուրդների բնտանիքում Սովետական Հայաստանի էլ ավելի հզորացման գործին նպաստելու պատրաստակամությունն էր, սփյուռքահայության փրկության միակ ուղին՝ հայրենադարձությունը դաժանելը: Ընդհանրական այս գծի կողքին, ճակատների համար միաժամանակ բնորոշը անվերապա՝ դիլերորոշումն էր ազատության, խաղաղության ու դեմոկրատիայի համար պայքարի ճակատում: ԱՄՆ-ում այն բացահայտվում էր հակահիտլերյան պատերազմական ջանքերուն՝ գործնականորեն օգնելու հողի վրա, Լիբիա-Լիբանանում՝ արաբ ժողովրդի ազգային-դեմոկրատական շարժմանը աջակցելու գործում և այլն: Գրքում չի անտեսված նաև սփյուռքահայ առաջադիմական ուժերի համախմբման գործում կարևոր նշանակություն ունեցող այնպիսի մի երևույթ, ինչպիսին էր 1947 թ. ԱՄՆ-ում հրավիրված Համաշխարհային հայկական կոնգրեսը: Խուրշուդյանը անդրադառնում է նաև Միասնական ճակատի ու նրա գործունեության նկատմամբ դաշնակցության բացասական վերաբերմունքի և շարժումը ձախողելու ուղղությամբ նրա գործադրած միջոցառումների վրա՝ սկսած Երկաթառակելու փորձերից, մատնություններից ու սպառնալիքներից, վերջացրած բացահայտ տևողորով, որ ոգեշնչվում էր դաշնակների իմպերիալիստական սերների կողմից:

«Այդ բոլորից հետո առաջանում է այն ճիշտ հարցադրումը, — դրում է Խուրշուդյանը, — որ մի՞թե թույլատրելի է անուշադրության մատնել կամ դաշնակցության հետ նույնացնել հիշյալ քաղաքական կուսակցություններին, ընկերություններին ու միություններին: Բնականաբար, ոչ ոք չենք շնչել անհատի պաշտամունքի շրջանում այս հարցի կապակցությամբ թույլ տրված «կոպիտ սխալը» և «իմպերիալիզմի դեմ մղվող պայքարում այլ կուսակցությունների հետ դաշինքներ կնքելու լենինյան տեսության խեղաթյուրումը», հեղինակը պարզաբանում է ՍՄԿՊ XX և XXII համագումարներով, Հայաստանի կոմունիստական պարտիայի XX համագումարով և միջազգային կոմունիստական ու բանվորական կուսակցությունների 1957 և 1960 թթ. մոսկովյան խորհրդակցություններով առաջացած խոր բեկումը, որը հրամայական անհրաժեշտություն է դարձնում ոչ միայն «այսուհետև ևս ընդլայնել և ամրապնդել կապերը արտասահմանյան առաջադիմական կազմակերպությունների հետ», այլև մարքս-լենինյան գիտական վերլուծության բովանդակությանը և նրանց գաղափարախոսությունն ու գործունեությունը:

Գիտական այդ վերլուծությունը, որի առաջին լուրջ ու հաջող փորձն է կատարել Լ. Խուրշուդյանը իր աշխատության հաջորդ գլուխներում, շնչառական, արտասահմանի առաջադիմական ուժերին կօգնի առաջիկայում վերանայել իրենց պրակտիկայի մեջ տեղ գտած որոշ բացերն ու լեռնությունները: Հենց այդ էլ գրախոսվող գրքի երկրորդ ողջունելի կողմն է:

Աշխատության երկրորդ գլխում գիտական լուրջ ու հիմնավոր վերլուծության է ենթարկվել դաշնակցություն կուսակցության գործունեությունը: Առաջին հերթին փաստերի լեզվով մերկացնելով դաշնակների խաբուսությունն այն մասին, «որ իբր 1941—47 թթ. իրենք դադարեցրած են եղել պայքարը ՍՍՌՄ-ի դեմ, Խուրշուդյանը պատմում է «Բոլշևիզմից ազատագրվելու Ամերիկյան կոմիտեի» հետ դաշնակցության գործակցության և օժանդակության ընդհատմանը: Այսպես, ընդգծելով դաշնակների՝ իմպերիալիզմի ջատագովի ու կամակատարի էությունը: Այսպես համարենք հերթելով դաշնակցության «սոցիալիստական» կուսակցություն լինելու առասպելը և բացատրելով մինչև 1907 թ. նրա տեսարանների աշխատություններում մարքսիստական որոշ ֆրազբոլոգիայի թափանցման պատճառները, կանգ է առնում այն իրողության վրա, որ լրիվ չափով դիմակազերծված չլինելով, դաշնակներն այսօր էլ տակտիկական նկատառումներով ձևանում են «սոցիալ-դեմոկրատ», բայց իրականում արդեն իսկ իրենց տեսությամբ ավելի ու ավելի են զրոգվում դեպի ամերիկյան իմպերիալիզմի ջատագովությունը, հակակոմունիստական հիստերիան:

Այնուհետև Խուրշուդյանը պարզաբանում է ամերիկյան ռեակցիոն շրջանների հուշարարության սովետական իշխանության դեմ դաշնակների հորինած շարամիտ հերյուրանքները, սովետական իրավակարգի ներքո Հայաստանի նվաճումներին բաց աչքերով նայելու, բայց ոչինչ չտեսնելու նրանց համառությունը: Զարական երբեմնի կիսազաղույժ Հայաստանը, շնորհիվ ռովետական կարգերի, այսօր դարձել է ինդուստրիալ հզոր ու բարգավաճ երկիր, որը համբավված է աշխարհով մեկ: Տեսնություն հետ համաշափ զարգացել են նաև կուլտուրան ու դիտու-

թյունը, որոնք հնարավորություն են տալիս խոսելու իսկական ոսկեդարի մասին: Հեղինակի համար մեր հայրենիքի նվաճումները ապացուցող փաստերի թվարկումն անգամ ինքնակատակ չէ: Պարզվում է, որ ողջախոհ մտքի տեր յուրաքանչյուր մարդու համար պարզ ու հասկանալի իրականությունը, որի մասին օր չի անցնում, որ չվկայեն Հայաստան այցելող օտար անձնավորությունները, այն աստիճանի քայքայում է դաշնակների ջղերը, որ նրանք օրն ի րուն ազմրկում են Հայաստանի «աղքատության» ու «հետամնացության» մասին. ողբալով կրկնակոչիկ շունեցող ժողովրդի հայի ոտքերը:

Խուրշուգյանը հատուկ ուշադրությամբ կանգ է առնում այն իրողության վրա, որ դաշնակ գրչակները, հետևելով իմպերիալիստական առավել կատաղի ու խելագար շրջաններին, ժխտում են խաղաղ դոկալցության հնարավորությունը և պայքարում համաշխարհային խաղաղության ամրապնդման դեմ, որովհետև հակառակ դեպքում կգրկվեն «կանաչ մանանայից», ինչպես դեռ 1950 թ. խոստովանել է Ռ. Դարբինյանը: Այնուհետև ներկայացնելով դաշնակների թշնամական վերաբերմունքը աղգային-աղասագրական շարժումների նկատմամբ, չի մոռանում ծաղկել և արևմտահայերի աղգային-աղատագրական շարժման ժամանակակից էտապի դրսևորումը՝ հանդիսացող «հայոց դատի» հանդեպ դաշնակների վերաբերմունքը: Հեղինակին հաջողվել է ցույց տալ, որ դաշնակցության համար «հայոց դատը» ներկա մոմենտին ոչ թե արդարության և արդար հատուցման դործն է ջարդված ու տեղահանված արևմտահայության ակնկալությունների և պահանջների հողի վրա, այլ պարզապես «Սովետական Հայաստանում դաշնակցական կարգերի վերականգնման հասկացությունը»:

«Դաշնակցության պառակտողական քաղաքականությունը կործանարար է սփյուռքահայության համար» — ահա հիմնավոր այն եզրակացությունը, որին հեղինակի հետ անգում է ընթերցողը՝ դաշնակ արկածախնդիրների քարոզին ու գործին ծանոթանալուց հետո:

Այս բոլորից երևում է, որ Խուրշուգյանը առանց պատճառի չէ, որ իր գրքի ամենից ծավալուն գլուխը հատկացրել է Սփյուռքում դաշնակցության շարադետ դոյությունը: Հեղինակը հմուտ ու վարպետ նշտարով է հերձել սփյուռքահայությանը շնահեղձ անելուն ծառայող այդ ուռուցքը: Հետպատերազմյան ժամանակաշրջանում դաշնակցության «տեսության» յուրաքանչյուր նրբրանգնա որսացել է խորաթափանց հայացքով և բացատրել դիտական բարեխիղճ վերլուծությամբ: Միաժամանակ, դաշնակների «գաղափարախոսության» հետադիմական ամբողջ էությունը լրիվ չափով բացահայտելու մտահոգությամբ, նա կուռ տրամաբանությամբ հյուսված իր վերլուծականներ ամրապնդել է բազմաթիվ փաստերի շարադրանքով:

Իր հիմնական խնդիրը համարելով ավելի շուտ Սփյուռքի կուսակցությունների տեսության ու դավանանքի դիտական վերլուծությունը, քան նրանց պատմությունն ու կոնկրետ գործունեությունը շարադրելը, Լ. Խուրշուգյանը բժախնդրորեն բազում փաստերից առանձնացրել է ամենից էականներն ու բնորոշները և դրանք օգտագործել դաշնակցության տեսական այս կամ այն դիրքորոշումը ընդգծելու և նրա խաբեությունները քողազերծելու համար:

Հեղինակը շատ լավ է ըմբռնել, որ նենգությունը հետևողական տակտիկա դարձրած դաշնակցության համար տիպական է նեղն ընկնելու դեպքում տեսական ելույթից հրաժարվելը՝ օգտորվելով կոնկրետ փաստերի անհայտությունից, նույնիսկ այդ ելույթը անհատական ու պատահական հռչակելը՝ պահանջելով, որ կոնկրետ գործը միայն համարվի «հավաքական», ուրեմն և ամբողջ դաշնակցությունը որպես նրա պատասխանատուն պարտավորեցնող ելույթ: Այսպես պատահեց, օրինակ, Սիրիայի ազգային անկախության դեմ 1956—1957 թթ. նյութված ամերիկյան դավադրության կապակցությամբ: Հեքթելու համար իմպերիալիստական այդ դավադրության մեջ իրենց մասնակցությունը ապացուցող տվյալները, որոնք հրապարակված էին Դամասկոսի կոմունիստական «Ան-Նուր» թերթում (1958 թ. հունվարի 14) դաշնակները գործին «անհատական» բնույթ տվեցին: Ավելի քան 3 տարի անց միայն, 1961 թ. օգոստոսին, Սիրիայի անվտանգության օրգաններին հաջողվեց դիմակազերծել ամերիկյան իմպերիալիզմի հաշվին գործող դաշնակ լրտեսների ցանցը՝ իր զենք ու ռազմամթերքով և դավադրական այլ միջոցներով:

Հեղինակը իրավամբ կարևոր տեղ է հատկացրել նաև 1941—1947 թթ. իրենց հակասովետական պայքարը իրր դադարեցրած լինելու մասին դաշնակցականների տարածած առասպելի բողազերծմանը:

Մերկացնելով նրանց հակասովետական գործունեությունն այդ շրջանում, Խուրշուգյանը ցույց է տալիս, որ երկրորդ համաշխարհային պատերազմի տարիներին գերմանական լրտեսական ցանցում ակտիվորեն ընդգրկված էին նաև դաշնակցականները:

Բարեխիղճ գիտնականի իր արժանիքները առավել ցայտունությամբ է դրսևորել Լ. Խուրշուդյանը հնչակյան կուսակցության դիմասկարը տալու մեջ: Իրոք, պետք է խոստովանել, որ ուսումնասիրողի գործը հնչակյան քիչ բան ունի հնչակյան կուսակցության գործունեությունը: Նա ծնվել ու սնվել է մանրթուրժուական հողում (80-ական թթ. Արևմտյան Հայաստանում չէր էլ կարող ուրիշ կերպ լինել), բայց չի հրաժարվել երբևէ հայ իրականության մեջ առաջին մարքսիստական-պրոլետարական կազմակերպություն կոչվելու իր հավակնությունից: Արևմտահայության ազգային իրավիճակից դուրս եկած մի կազմակերպություն, որն իր հեռավոր սոցիալական երազանքով գնահատական է ակնկալել մշտապես, պահանջելով, որ ոչ-ոք չվիրավորի իր դյուրազգացությունը՝ Մարքսի ուսմունքի տառին ու ոգուն մինչև վերջ հավատարմորեն հետևած լինելու մասին թեկուզ փոքրագույն ակնարկումով: Պարզ է, որ այսպիսի մի հակասականություն որևէ ուսումնասիրողի գործը հնչակյան ուղղակի չի կարող լինել: ՀԿՊ XXII համագումարում նախանշվեց գիտական այն ճիշտ մոտեցումը, որն անհրաժեշտ էր ցուցաբերել ժամանակակից լուսավորման հնչակյան կուսակցության գործունեության նկատմամբ: Լ. Խուրշուդյանը այդ է որ գիտական խոր վերլուծությամբ կենսագործել է իր աշխատության երրորդ գլխում:

Առաջին ենթագլխում հեղինակը մանրամասնորեն կանգ է առել հնչակյան կուսակցության քաղաքական և քաղաքական մի քանի հարցերի վրա: Այնտեղ լենինյան դրույթների և Շահումյանի ելույթների լույսի ներքո պարզաբանվել են հնչակյան կուսակցության ազգային նկարագիրն ու մանրթուրժուական դիմագիծը, մանրամասն քննարկվել է նրա ծրագրի սոցիալիստական երանգավորման փորձերը, դարասկզբին Արևելյան Հայաստանի հայության սոցիալական պայքարի նկատմամբ հնչակյանի դիրքավորման մեջ նկատվող արմատական բեկման պատճառները, Հայաստանում սովետական կարգերի հաստատումից հետո կոմունիստական շարժման հանդեպ նրա վերաբերմունքը, սոցիալ-դեմոկրատիայից անկախ գոյություն պահպանելու նրա պատճառաբանությունը և այլ հարցեր: Այս բոլորը պարզաբանելուց հետո Խուրշուդյանին հաջողվում է ընթերցողին համոզել, որ «ինչպես իր գոյության առաջին շրջանում, այնպես էլ ժամանակակից էտապում, հնչակը վարում է էկլեկտիկ քաղաքականություն, որոշ երկրներում տեղի առաջադիմական ուժերի հետ մասնակցում է ազգային-ազատագրական պայքարին, մյուս վայրերում, ընդհակառակը, զբաղվում է միայն ազգային գործերով, լիովին շրջանցելով և ոչ մի կապ չպահպանելով տեղի հեղափոխական շարժումների հետ»:

Չի կարելի հեղինակի հետ չկրկնել, որ հնչակյան կուսակցության գնահատման հարցում հայ մարքսիստների ավագ և երիտասարդ սերունդների միջև հակասություններ «չեն եղել, չկան և չեն կարող լինել»:

Ժամանակակից էտապում, հնչակյան կուսակցությունը իր տեսական ելույթներով և կոնկրետ գործունեությամբ, իր մամուլով և մտավորականությամբ շատ բանով է արժանի «առաջադիմական» կոչման, ինչպես հիանալի վերլուծությամբ ցույց է տվել Լ. Խուրշուդյանը իր աշխատության հաջորդ ենթագլուխներում: Նա վեր է հանել այն իրողությունը, որ հնչակյան կուսակցությունը, սփյուռքահայ առաջադիմական մյուս ուժերի հետ միասին, իր բոլոր հնարավորությունները ի սպաս է դրել խաղաղության և առաջադիմության, ազատության ու դեմոկրատիայի համար մղվող պայքարին, անողորմաբար քննադատելով միջազգային իմպերիալիզմի ռազմամուլ քաղաքականությունը, միաժամանակ մերկացնելով իմպերիալիզմը որպես նեխվող հասարակարգ, իսկ դաշնականներին՝ որպես նրա նվիրյալ վարժականներ: Հնչակյան կուսակցությունը, հակառակ Սփյուռքում գոյություն ունեցող քաղաքական դժվարությունների, մշտապես հանդես է գալիս Սովետական Միության և Հայաստանի չերմ համակրողների ու պաշտպանների դիրքերում, չենթարկվելով դավաճան դաշնականների՝ մատնություններով ու զրպարտություններով իրեն ահաբեկելու փորձերին: Հեղինակը անդրադարձել է նաև այն բանին, որ հետպատերազմյան շրջանում ծավալված ազգային-ազատագրական պայքարը վայելում է հնչակյանների համակրանքն ու աջակցությունը և որ գաղութային սխտեմի լիկվիդացումը մեր օրերում նրանց համաք դարձել է իրենց գործունեության նպատակակետերից մեկը:

Իր ուսումնասիրության շորորդ գլխում Լ. Խուրշուդյանը վերլուծում է ռամկավար-ազատական կուսակցության գործունեությունը և նրա դերը ժամանակակից սփյուռքահայ կյանքում: Առաջին ենթագլխում նա պարզաբանում է ռամկավարների դիրքը սոցիալիզմի և իմպերիալիզմի համաշխարհային սխտեմների նկատմամբ: Կուսակցության համարուստ նախապատմությունից և նրա քաղաքաբանության բնույթից հետո հեղինակը ցույց է տալիս, թե ինչպես ռամկավար-ազատագրական կուսակցությանը իր դասակարգային էությունը բուրժուական լինելով հանդերձ, սփյուռքահայության ապագան կապում է Սովետական Հայաստանի հետ, թե ինչպես

ռամկավարները հայկական հարցի լուծման երաշխիքը տեսնում են սոցիալիզմի ու դեմոկրատիայի լազերի հաղթանակի մեջ, մի րան, որ «օրյեկտիվորեն պետք է տաներ, և իրոք տարավ ռամկավար-ազատական կուսակցությունը դեպի սիյուռքահայ առաջադիմական ուժերի միասնական ճակատը»։ Այսպիսին լինելով հանդերձ, իրավամբ դգուշացնում է հուրշուդյանը, ռամկավարները անողոքարար քննադատում են ոչ թե իմպերիալիզմի էությունը, այլ նրա քաղաքականության մասնավոր կողմերը և երբեմն աղճատված կամ խեղաթյուրված են ներկայացնում ՍՍԽՄ-ի ներքին ու արտաքին քաղաքականությունը, Ի՞նչ բանում է կայանում, ուրեմն, ռամկավարների առաջադիմական և Սովետական Հայաստանի պաշտպան դառնալու հիմնական գաղտնիքը, հարց է տալիս հեղինակը հաջորդ ենթադրելում և ինքն էլ պասսասխանում, «Ռամկավար-ազատական կուսակցությունը իր 2 մտասեեոումներին՝ հայության իր հայրենի հողում հզորացման ու բարգավաճման և դրա շնորհիվ հայկական դատի լուծման» ուղիներն էլ կապում է Սովետական Միության և Հայաստանի հետ։ Այստեղից էլ բխում է ռամկավարների մերձեցումը հնչակյաններին, հայ կոմունիստներին և ընդհանրապես սիյուռքահայ բոլոր առաջադիմական ուժերի հետ ընդդեմ հայրենադավ դաշնակցության։ Ինչպես նախորդ, այնպես էլ այս գլխում, հուրշուդյանը իր վերլուծություններն ու դրանցից բխող եզրակացությունները հիմնավորում է փաստերով։

Սիյուռքահայ իրականության մեջ գործող կուսակցությունների գաղափարախոսությունն ու գործունեությունը մանրամասն ներկայացնելուց հետո հուրշուդյանը ծավալուն մի վերջաբանով անում է անհրաժեշտ եզրահանգում, հրեշավոր, անօրինակ սպանդից փրկված հայ ժողովրդի գաղթահայ հատվածը գտնվում է ձուլման շրջանում։ Սիյուռքահայ առաջադիմական կազմակերպությունները հայության գոյատևման հիմնական ազդակներն են համարում «Սովետական Հայաստանի հզորացումը և Սիյուռքի գաղթախների սերտ մշակութային կապը նրա հետ, լեզուն և կրոնը»։ Ե՛վ հնչակյանները, և՛ ռամկավարները, և՛ առաջադիմական մյուս հուճաքները սիյուռքահայության փրկության միակ ուղին համարում են զանգվածային հայրենադարձությունը, ելնելով ժողովրդի վերամիավորման ու հզորացման շահերից։ Հենց այդ մտահոգությամբ է, որ Սովետական Միության կոմունիստական պարսիան և սովետական կառավարությունը, ելնելով ժողովուրդների բարեկամության լենինյան քաղաքականությունից, օգնության ձեռք մեկնեցին հայ ժողովրդի սիյուռքահայ հատվածին, կազմակերպելով ներգաղթ, որը լայն թափ է ստացել և հիանալի կազմակերպվածությամբ շարունակվում է մեր օրերում։ Ե. հուրշուդյանը արխիվային փաստաթղթերի սգտագործումով առաջին անգամ հանգամանորեն վեր է հանել նաև հայրենադարձների նոր ու բարեկեցիկ կյանքը։

Լ. հուրշուդյանի «Սիյուռքահայ կուսակցությունները ժամանակակից էտապում» աշխատությունը հայ ազգային կուսակցությունների գաղափարական ու գործնական ներկա կյանքի առաջին ամբողջական և հաջողված գիտական ուսումնասիրությունն է։

Ե. ՆԱԶԱՐՅԱՆ